

han-hemen

Galdutako eskalatzaileari sakelako telefonora bidalitako mezua

Galeseko 59 urteko eskalatzaile batek istripua izan zuen herenegun, eskalatzaren ari zela, eta salbamendu lanean ari zirenek, aurkitu ezin zutela ikusita, mezu bat bidali zioten sakelako telefonora, eta honek erantzun zuenean jakin zuten zehatz-mehatz non zegoen.

Galdutako eskalatzaileak hanka bat hautsita zuen, eta salbamendu taldeko lagunek orduak egin zituzten hura aurkitu nahian. Denbora aurrera zihoala eta ezin aurkitu zutela ikusi zutenean, salbamendu taldeko buruari otu zitzaion mezua bidaltzea, eta bete-betean asmatu zuten.

Zortzi mila tonako hotel bat 33 metro mugituko dute

Pekin inguruan dagoen Nanjing hiriko hotel bat lekuz aldatuko dute, hotela dagoen kalea zabaldu ahal izateko. Eraikuntzak 5.424 metro koadro dauka, eta 33 metro mugituko dute. Dagoeneko bi egun daramatzate hotela mugitzen, eta denbora horretan berezko lekutik zazpi metrora eraman dute hotela. Hotela mugitzeko lanak oso zail eta astunak dira, baina arduradunek diotenez, lurrikaretan ere arrisku gutxiago izango du gero hotelak.

Errepublika dominikarrek bi miss dituzte

Nahikoa buruhauste ari dira izaten Errepublika



Coulthard, eskoziarren jantziarekin

David Coulthard 1 Formulako gidari eskoziarra, argazkian Heidi Klum modeloarekin. Eskoziako jantzi tradizionalarekin joan zen atzo Monakoko Laureus Kirol Sarien zeremoniara. Munduko urteko kirolari onenaren sariak Cathy Freemanek eta Tiger Woodsek jaso zituzten.



Hondarretako munduko eskultura

Argazkikoa Benjamin Prabanza mexikarra da, eta Hondarretako munduko eskultura lehiaketako hamar finalistetako bat da. Finala Frantzia ipar-mendebaldeko Hardelot hondartzan jokatzeko ari dira, eta gaur bukatuko da.



'Pearl Harbour' filma estreinatu dute

Michael Bayk zuzendutako *Pearl Harbour* film estatubatuarra estreinatu zuten, atzo, Hawain. Estreinua *John C. Stennis* hegazkinontzi nuklearrean egin zuten, su-artifizialak lagun zituztela, eta 1941eko abenduaren 7an gertatutako bonbaketen leku berean.

Dominikarreko emakume ederrenaren aukeraketa-ekin. Duela aste batzuk Claudia Ruiz agertu zen komunikabideetan, Miss Errepublika Dominikarra 2001 zioen tituluaarekin, baina atzo beste emakume bat agertu zen, Ruth Ocumarez, hau ere titulu berarekin. Kontua da lehiaketa hori bi antolatzailerik ezberdinek antolatu dutela, eta biek errebindikatzeko dutela titulua jabetza eskubidea.

'Frantziako armiarma-gizona', bereak eta bi egiten

Frantziako armiarma-gizona izenez ezagutzen dute Alain Robert, eta azken aldian hainbat eraikuntza eskalatu ditu, inongo baimenik gabe. Besteak beste, New Yorkeko Empire State eraikuntza ere eskalatu zuen. Bada orain, Frantziako eraikuntzarik altuenetakoa igo du, Parisen dagoen TotaFina Elf enpresaren eraikuntza, hain justu. Laurogeita hamar ordu behar izan zituen hara igotzeko, eta horrelakoetan gertatu ohi denez, ondoren Poliziak atxilotu zuen.


Hamahiru urterekin, futbolari profesionala

Fernando Garcia Lopez peruarra da, pasa den larunbatetik, munduko futbolari profesional gazteena, hamahiru urterekin. 1987ko uztailaren 13an jaio zen, eta pasa den larunbatean Juan Aurich taldearekin 20 minutu jokatu zituen —ez zuen golik sartu—. Garcia Lopez aurrelaria da, 1,72 metroko garaiera du, eta 58 kilo pisatzen ditu.

hilberriak

ESKELAK

Gaueko 9ak arte hartzen dira



(0034) 943 300 222